

仁山智水

梁 东(北京)

丙申江南春行(五首)

山村一瞥

春山桑柘雨,精舍镜中明。
手指通天下,车轮任纵横。
溪桥新客至,烟树暮云生。
唯见阿黄懒,人来故不惊。

新一代

门对千竿竹,家藏两辆車。
铁门开画栋,花径映明渠。
白日山房静,中宵灯火舒。
萦怀营运策,点击问新书。

草根书家

迎春梅早发,淑气透窗纱。
走笔神飞彩,临池墨染花。
根深滋厚土,野阔出新芽。
嘉节桃符就,山风醉晚霞。

“农家乐”

山村多傍水,楼阁向阳开。
老圃新攻略,雄图大雅才。
采茶延客手,挖笋尽余杯。
摩托方成列,红衣滴滴来。

垂 钓

横塘云弄影,曲岸柳摇金。
无意江湖钓,何辞濠濮心。
沉浮期共济,忧乐重相寻。
子在川前曰,临渊识浅深。

星 汉(新疆·乌鲁木齐)

黄楼怀髯苏

千年已换旧彭城,再建名楼向日晴。
碧柳新枝黄鸟脆,黄河故道碧波平。
未能后浪推前浪,但愿来生补此生。
为报当年贤太守,长吟诗句对天倾。

丙申春登戏马台



两千年后又春风，我下天山指顾中。
逐鹿已亡秦二世，沐猴遗笑楚重瞳。
鸿门宴失机心浅，戏马台留幻梦空。
啼鸟也知如许恨，林间叫破夕阳红。

游潘安湖

春光深浅问船家，只说东风落杏花。
解缆平湖杨柳水，诗心满载向天涯。

丰县梨花树下作

今生来往惯风沙，西出阳关是我家。
此地春光收揽后，白头留影对梨花。

汉皇祖陵瞻刘邦雕像

犹念家乡起布衣，今朝雄立与天齐。
袖藏四海云雷远，剑压千秋日月低。
芒砀斩蛇开智略，中原逐鹿费轮蹄。
大风歌后题诗客，我在玉关西更西。

罗连双(山西·太原)

雁荡山大龙湫

天含情太盛，一泻到人寰。
爱此琉璃境，喜伊翡翠山。
忽为流水去，又作雨花还。
细润无言石，石心难再顽。

雁荡诗会

喜接高鸿约，飞来作小眠。
梦中山赐韵，醒后句成篇。
雨落珠盈手，云来鹤在天。

四灵须礼请，我好作童仙。

马继清(四川·射洪)

春到山村

一犁云淡雨初晴，雏鸭茸茸议水清。
田里秧秧才出绿，檐前雀雀已煽情。
牯牛回嚼迷离眼，花狗迎宾爽朗声。
世外桃源何处是，不妨移步小村行。

桃花吟

夭夭绽放自何年，灼灼熏红静女笺。
曾与避秦流水渺，还将摇月暖风妍。
城南一面罹顽疾，竹外几枝羞碧涟。
唯恐明朝颜色故，痴蜂憨蝶不成眠。

景北记(山西·洪洞)

应县木塔

宋辽旧事是耶非，胡雁千年绕塔飞。
高耸雄鸡版图上，佛光射处满天晖。

马邑博物馆

等闲取次访遗篇，阅尽边州百代烟。
游牧农耕交汇处，电光石火忆编年。

观菊偶得

篱畔几头陶菊黄，不知人世有炎凉。
粲然只向西风笑，一任时流说傲霜。

李鸿楷(浙江·瑞安)

游同里退思园

富土风光秀，斯园美誉扬。
楼台无俗韵，草木有真香。
水榭山亭暖，诗舟菰雨凉。
世情时退悟，思过坐轩廊。

游东太湖生态园

水光泛滟惬吟游，寥廓烟波纵目收。
浪拍湖滩摇玉沼，天开霞影接罗浮。
汀洲鸥鹭云边失，涯岸酒旗风里柔。
宴赏何须弦管乐，幽幽涛韵已相酬。

吴俊杰(广东·河源)

丙申清明节前访新港镇杨梅村

随意缘溪去，迎头见鸟回。
花香二月径，风醉半村醅。
袅袅烟中瓦，悠悠垄上孩。
停车唯四顾，已忘为何来。

蓝旭志(广西·南宁)

宜州怀黄庭坚

宜州景物近如何？山谷祠前长碧萝。
百越风烟怀国恨，三湘秋雁绝恩波。
携壶篱圃诗香远，秉笔南楼墨迹多。
地以人名千载后，犹闻短笛奏长歌。

桂林行吟

南天独秀沐红霞，楼宇参差百万家。
雨过西山含远黛，舟行滴水漾清沙。

王城背岭回廊在，古堞生烟日影斜。
毕竟春风三姐俏，升平歌舞颂年华。

题桃花美人图并赠黄小玲老师

桃花万朵闹春风，曾是崔郎梦里红。
长恨人归无觅处，原来遁入此图中。

何晓明(安徽·六安)

踏莎行·狮子岗桃花仙谷

狮子岗头，淠河湾处，绿间片片
红云布。桃花万亩竞芳妍，多情留得
春光驻。特色兴农、芳园致富，
满山都是摇钱树。精神物质两丰收、
游人潮涨田家路。

赵忠全(黑龙江·哈尔滨)

静海县团泊洼水库

长天望黑鹳，湖笼一船烟。
碧水澄朝曙，轻波上素笺。

蓟县八仙山偶吟

柳丝回韵织莺帘，过海仙人一笑谈。
行到蓟城皆醉此，空留石桌伴山岚。

杨威(新疆·石河子)

葡萄沟

依山旁水洗愁肠，烈日炎炎惬意凉。
甜蜜葡萄胜鲜枣，醉人歌舞赛刀郎。

幢幢农舍珍珠闪，座座荫房玛瑙香。
中外游人若潮涌，火洲避暑有天堂。

博斯腾湖

碧波万顷景观殊，世外桃源展画图。
沙漠绿洲辉异彩，雪山紫塞耀明珠。
禽鸣鱼跃诗千句，苇翠荷香酒一壶。
孔水源头西海美，铁门关下赏神湖。

刘绍炎(湖南·长沙)

游岳阳楼

重上岳阳楼，湖山望眼收。
古今同一梦，后乐与先忧。

春日岳阳郊游

花满田园景满楼，无边春意此方流。
谁裁上界斑斓色，借与东风惠岳州。

游西湖访春

岳州城北陆城东，波漾洋西在画中。
田野流光堆七彩，江堤溢翠醉双瞳。
儒溪旧事花间月，鸭闸新容水上虹。
最喜主人诚好客，轻歌邀我沐春风。
注：儒溪指儒溪山，山上有千年古塔；鸭闸
为长江防洪闸名。

张超(安徽·怀远)

采桑子·花博园

清明过后春光好，山色空蒙，流

水淙淙，紫陌芳菲杨柳风。 夕阳
落下人归去，细雨之中，始觉愁浓，花
好来年谁一同？

浣溪沙·涂山

一架飞虹淮水东，雨停风起雾空
蒙，登临峰顶觅仙踪。 朝禹路中
飞乱鸟，望夫石下卧苍松，清幽道院
响晨钟。

鹧鸪天·淮滨即景

独步黄昏淮水涯，河滩碧麦映残
霞。风停风起侵衰草，潮涨潮平隐岸
沙。 山影近，晚云遐。几声啼鸟
戏芦花。来来往往奔波苦，破浪前行
船上家。

孙志翔(江苏·淮安)

蝶恋花·秋夜洪泽湖

漫漫星空明月皎，秋水涟漪夜幕
繁星耀。阵阵情歌佳侣笑，碧波千里
苍穹浩。 气爽天高群雁小，漾漾
沧溟渔火频频跳。万顷大湖帆影棹，
人间天上烟波绕。

洪泽湖

日出东山鸥鸟舞，湖光滟潋荡春波。
扬帆一日行千里，日落归舟唱棹歌。

石世伦(浙江·宁海)

双林村(二首)

一

桃花溪底艳,柳岸响鸣禽。
仙隐山林密,龙腾潭水深。
晨钟醒尘梦,别墅动归心。
诗友欣相聚,举杯微醉吟。

二

年来几度进山村,水色亭桥日日新。
若得桃源长寄住,定能越活越精神。

下 畈

春到溪桥流水香,花间碑刻灿琳琅。
空中何物遮天日?仰望江南第一樟。

翟红本(河南·鲁山)

飞灵峰

三峰滴翠枕丹霞,一曲苗歌醉月牙。
引得凤凰何忍去,松江打拍浪飞花。

飞山崇

山是阿哥忽飞至,相思小妹诉衷情。
风华秋月羞红脸,厮守温馨不老城。

北武夷山

闽赣走逶迤,妖娆秀翠肌。
峰盘鬟曼妙,水是眼迷离。
韵致鹅湖月,云心雁阵诗。
身家何以重?着意许双遗。

陈其良(浙江·瑞安)

漓江游踪

船头揽风景,照眼尽清冷。
岨峻山擎笏,蜿蜒江映屏。
晴川飞白鹭,烟雨写丹青。
淘醉莲峰里,渔歌倾耳听。

桂林印象

为娱仁智历优游,独有漓江瘾未休。
水织青罗缠我住,峰生莲瓣引人讴。
对歌难敌刘三姐,《印象》唯钦张艺谋。
收拾烟霞作诗料,自成敞帚扫闲愁。

孔汝煌(浙江·杭州)

摊破浣溪沙·澳新纪游十八阕录五

黄金海岸金滩夕照

一带金滩夕照红,彩霞似练舞长空。
雪浪碧波鸥掠过,媪牵翁。
象啸狮吟无印迹,白云苍狗失行踪。
风过青林尘障外,只从容。

罗托鲁瓦湖畔之晨

晨色熹微日未晞,草茵树伞望中迷。
不是起身忘掇拾,在湖西。
醺醺一池招客醉,鹭鸥几处向人依。
更逗玄衣红喙雁,不知归。

凯恩斯静湖

林隐平湖蓄势多,水晶瀑泻母亲河。
几处屋舍苔屐绿,少人烟。
沙鸟不惊鱼默默,石滩轻促水潺潺。



此境教人禅入定，识天然。

朱国平(浙江·长兴)

长兴生态文明作

长广早裁销，已无烟火燎。
雄鸡新咏唱，松鼠任逍遥。
市巷条条绿，乡村处处娇。
银杏金钉地，百姓乐淘淘。

注：长广指原长广煤矿。金钉指世界地质遗迹公园。银杏指长兴十里银杏公园。

江南红村

先贤塑像前，若辈誓声宣。
衡宇依然在，英雄久未旋。
铁军青史迹，抗日胜名篇。
毓秀江南地，仁人后继前。

注：抗战时期，新四军司令部曾设长兴。现建纪念馆所在名江南红村。

长兴扬子鳄保护基地

地老天荒变，豕龙历劫波。
阳春同取暖，霜雪各眠窠。
浴日憨滩醉，游池舞浪魔。
堪珍稀世宝，扬子野生鼉。

徐志伟(浙江·杭州)

清平乐·吴越古道

伊人何处？踏遍青山路。古道千年今犹驻，狼烟沉浮几度。春来

冬尽雪无，回首桃李姝姝。草木山川无语，寸心遥系越吴。

潘孙鹏(浙江·杭州)

登山感怀

冬日苍茫叠岭深，寒风霜色染层林。
雾霾常至迷双眼，难泯登高远望心。

王亚林(湖北·通山)

飞越秦岭感怀

右抱嘉陵左渭川，腹藏黑鹳与朱鹮。
亿年沉积追云岭，万里逶迤砺铁肩。
太白昂头擎汉宇，终南屈背负秦砖。
龙王不管民生死，北调长江润大千。

王连阁(吉林·农安)

张家口

亘古生生遗事多，炎黄涿鹿辟先河。
长城九曲隔胡马，烈士多伦斩日倭。
日照桑干谁与似，山开崇礼自当歌。
阴山若得五环挂，拱卫京师一剑戈。

俞正(江西·东乡)

山居(三首)

地偏心自远，居处少人行。
云是前生约，山为今世盟。

藤花随雨薄，桂影入潭清。
休把林阴扫，和听天籁声。

二

且行行且去，小坐若微醒。
雨润青峰绿，烟笼潭水平。
汀边风淡荡，林里夕虚明。
返照归来路，踏花么凤迎。

三

云山人晦迹，偏地有灵音。
鸟唱池边树，泉鸣屋外林。
晴开花灼灼，夕落影深深。
吟对长风里，谁能知我心。

时玉维(黑龙江·大庆)

雪 原

造化生奇景，钟灵感物华。
玉龙因势起，蜡象御风遐。
霭散长空碧，凇凝淑气嘉。
展宣开画卷，阆苑接天涯。

蒹 葭

湖畔烟波渺，慵听爽籁声。
邀鸥栖永夜，送雁寄悲鸣。
意解兰舟语，心通游子情。
知春荣万里，不负九州行。

闫 冰(内蒙·赤峰)

登泰山

欲叩天门接广寒，偷来星斗饰雕鞍。

碧连秀发三千尺，云转罗裙十八盘。
登顶才知尊岱岳，穷眸犹可望瑶坛。
举头能与仙人语，俯瞰群山似弹丸。

咏济南黑虎泉

信口开河不计年，金汤泻玉胜蓝田。
三泓灵液惊秋月，半亩琉璃簇雪莲。
酿酒烹茶杯入味，生岚起雾洞含烟。
声如虎啸行云止，千佛山中享圣泉。

访燕长城遗址

雄视苍山入塞天，颓垣断处野蒿连。
旌麾沙卷长城月，虎帐尘弥大漠烟。
烽火当年千里荡，兵戈故地几回旋。
昭王不解风云事，史迹今朝论古贤。

胡炳生(安徽·芜湖)

访寒山寺不果

肩雨访寒山，山空寺影寒。
临风歌古调，惆怅石门关。

维扬步月

花露滴维扬，幽人步夜霜。
丹心共明月，遥寄到槐窗。

赭麓晚步

红泥野径香，舒臂小疏狂。
不是趋炎客，悠然步晚凉。

楼亚方(浙江·开化)



九曲龙门

九龙相会泻银瀑，珠玉雷鸣落碧潭。
自在锦鳞戏山影，嶙峋巨石激层澜。
高低栈道盘肠转，深浅清溪琴瑟弹。
漠漠春荫野花乱，红红白白扮林峦。

吴 江(四川·遂宁)

涪江犀牛堤暮吟

清风吹落日，碧水饮犀牛。
镜破千条褶，云摊万匹绸。
翩翩随独鹤，渺渺送孤舟。
莫道渔翁晚，波光一网收。

月夜乡行

静夜单车疾，空天万丈青。
蛛丝牵独月，锦幔缀疏星。
墨彩凝睛看，风弦洗耳听。
行行何所似，邃野一微萤。

武立胜(北京)

过中岳嵩山

疏钟古刹柏森森，隐日层峦幻亦真。
寺里禅音合剑气，峰头鹤翼掠云痕。
南黄北颍流同远，右岱左华名愈尊。
放眼管他霾浅厚，心清自是目无尘。

过白园谓乐天先生语

日听乐奏夜听澜，世象争当壁上观？
炭市依然起明火，官仓犹未断狐贪。

名虽如尔白居易，楼却因何降价难。
可叹江州司马笔，已无力道写针毡。

登东湖港华北第一梯

身穿雾幃上天梯，看日东升看月西。
暴雨惊潭珠聚散，山光悦鸟色离披。
霜深每覆侵阶草，风烈频吹越壑笛。
临顶任其秋露冷，红霞三尺可裁衣。

陈文林(浙江·温州)

泰顺泗水廊桥速写

三百年来风雨声，躬身默默驭人行。
云间鹤叫林中应，岸上花开水底明。
叮步弹歌当键子，唐樟成荫抚溪滨。
沧桑久历何言老，筋骨依然跨涧横。

访武阳刘基故居

先生襟抱自通天，武略文韬孰比肩？
德业荣身千载耀，功名敝履一生捐。
山峦围列陶书案，池水回川哺砚田。
寒雨不停思不断，桃源正好隐人贤。

金元宝(浙江·温州)

雁荡山三咏

小龙湫

一壑深潭着意看，人来渐觉十分寒。
崖巅雷动龙归穴，林底风狂虎出山。
水气弥空云积谷，瀑花点翠月笼湾。
莫言湫小源泉少，晴日珠玑伴雪潜。

大龙湫

佛子矩那功迹垂，雁山始得建宏规。
泉流百涧长河幻，雾罩双湫一瀑奇。
玉液浑疑天际落，涛声直是海东移。
此行我欲飞升上，探胜源头活水池。

灵岩诸景

雁山一别方三载，结伴仙区作快游。
翠锁峰峦岩欲坠，花开树杪石同秋。
月光淡泊犀牛老，暮色苍茫玉女羞。
为有金鸡频报晓，云中林寺望中收。

胡鉴明(湖北·黄石)

登南京紫金山灵谷塔

钟山形胜多遗迹，今古英雄唱大风。
陵寝光辉同日月，云峰霜色若霞虹。
桂花香溢迎游客，枫叶红飞送过鸿。
极目东南龙虎地，神州浩气贯长空。

中山陵下流徽榭

汨汨清泉汇碧潭，临幽水榭壮遐观。
峰间紫气笼高塔，谷底轻烟绕素湍。
满麓黄花迎日暖，遍山红叶报霜寒。
松涛澎湃秋声起，倒映陵园镜里看。

莫雪元(浙江·杭州)

唐诗之路渔浦行(录二)

层峦拥翠雨初晴，胜日芳华扑面迎。

十里长堤新绿满，一泓春水晓云横。
飞扬鹏翼随舟起，曳荡渔烟袅树轻。
早晚重过黄竹埭，遥思佳句篋中盈。

唐诗之路越千年，渔浦风光胜旧颜。
两岸芳林藏野舍，一湾碧水映岐山。
披霞舟载欢歌去，踏露月随骚客还。
白鹭幽栖人共静，裁诗酌韵自清闲。

魏厚笃(河南·南阳)

浣溪纱·方城望花湖观光

大坝祥云锁巨龙，风吹波涌柳丝青。
黄鹂听得二三声。亭上湖光人已醉，
棚中茶社曲传情。回环岸线画图精。

杨承大(湖南·湘潭)

临江仙·再游东湖

如此风光堪酌酒，艄公邀上兰舟。
西风习习未曾休。柳依湖水岸，花满白萍洲。
记得行吟高阁里，也曾独自登楼。
追思屈子写离愁。诗情生万斛，无事赋闲鸥。

临江仙·登郁孤台

长慕郁孤台下水，而今已遂心怀。
携妻寻梦上高台。远观山色媚，近赏菊花开。
面拂清风词更好，手中憾缺秋醅。
试将文字细推排。篇篇



来肺腑，且代夜光杯。

将军小驻桥头老，铠甲余温犹绕窗。

蔡圣栋(浙江·瑞安)

李葆国(北京)

永嘉瓯北十景(录三)

罗浮塔

浮屠突兀锁双山，瓯水苍茫天地宽。
八百里江开远抱，二千年塔屹高峦。
兵戈劫后尘难静，流水清时身转安。
长赖乡贤成义举，扬帆沧海镇狂澜。

石门山

地峙双崖翠色深，天开幽径复松荫。
石门不锁窥山月，碧涧中流飞野禽。
几杵钟声尘梦远，一帘暮雨壑云沉。
四灵行履知何去，留有烟霞供醉吟。

玉泉寺

峰林蓊蔚复逶迤，夕照流泉入碧池。
古刹青灯影明灭，松阴竹雨碧参差。
入华严见右军帖，登石门吟康乐诗。
是处云山清净界，钟声一杵醒顽痴。

王善同(新疆·阜康)

葡萄沟题照

一架玲珑十里垂，天山雪浴火风吹。
谁家么女馋思解，总向碧深偷展眉。

题乌鲁木齐饮马长河石雕

征战归来伴一双，洗尘收鬣饮秋江。

东坡赤壁谒东坡塑像

身历八迁霜未侵，一蓑烟雨醉成吟。
有情无处不宜住，是玉随时可发音。
词为岩丹能激浪，州因德厚耻埋金。
诗人不幸江山幸，长以东坡名古今。

秋访凤凰古城

小城商务日生辉，铺面比邻名宅稀。
楼角排空月轮淡，游人接踵鼓声微。
酒旗遥看疑梧影，街石近寻鲜绿衣。
香稻吸残鹦鹉句，暂凭灯火忆瑶池。

王伟民(上海)

普陀山观二龟听法石

丛寺岗峦岁月悠，风飘梵呗出经楼。
天花乱坠说玄妙，迷得石龟也点头。

天台国清寺观隋梅

不染尘埃向梵堂，斑痕满干历沧桑。
濛濛法雨桎杈茂，岁岁花开十里香。

吕 熔(山东·青岛)

雨中登鹤山

菇鲜鸡嫩菜根香，自摘草莓流汁浆。
任是桃花繁盛处，脱贫喜讯满诗囊。